



I creii te Gejú Crist, so Fi su, nosc Signur.

I cristiagn crei che Gejú é le Fi de Dio. Tres el é Chelbeldio der dampró ala jont. Chelbeldio ne podunse nia odoi, mo Gejú ben. Te Geju s'á Chelbeldio dé en müs y na usc. Geju á dit: „Chel co mo veiga me, veiga le Pere“. Te Geju á le monn ciafé speranza nea. El s'á mostré ch'i podun confidé te Chelbeldio ince tla maiú desperaziun. El é la löm dal monn, le tru da jí da Chelbeldio, nosc Pere.



Vita de ploania y de paisc



La ploania ti fej a düc i per de nosta comunité co ricorda sü **25, 30, 35, 40, 45 y 50 agn de matrimone** les miús aodanzas de fortuna y benediscun por i agn co á da gní, a ei y a söes families: **Idio tigni söa man sora de Os y Ves benedesci!**



«*Sc'i s'orun bun önn al ater, romagn Idio te nos, y so amur é te nos perfet.*» (1 Jan 4, 12b)

La ploania i fej les miús aodanzas de benediscun y fortuna ai nüc **Simon Ellecosta y Ester Ploner** co se dá adöm tal sacramont dal matrimone en sabeda ai 24 de setember a La Pli.

- **Ministronc:** i mituns y les mitans co met man da sorví cösc ann é bel enviés ala prüma encuntada con signor ploan en **sabeda ai 24 de setember**, do la messa da doman te dlijia.



enformaziuns y termins

Sera de enformaziun: le Consei de Formaziun d'Al Plan y la Biblioteca Angelo Trebo envieia düc i interessés en dedemesaledema ai 21 de setember ales 20:00 tla biblioteca a Al Plan a na sera de enformaziun sora le tema „Sön le pedies dla poerté – esperionzes te na misciun comboniana tal Zambia“ con da Alma Frenademez y Roswitha Clara da San Ciascian.

Biblioteca: la biblioteca „Angelo Trebo“ y le Zenter Families Mareo organiseia en jöbia ai 22 de setember ales 20:00 te biblioteca d'Al Plan na sera da s'la cunté por ingeleje con le tema „at the restaurant“.

Döt le bun a:	Mateo Ellecosta, <i>Ehrenburg</i>	* 19.09.1931
	Iaco Pedevilla	* 19.09.1936
	Isidor Mühlmann	* 24.09.1925
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: **Signor Heinrich Perathoner**
E-mail: ploania@gmx.net

Calogna Al Plan: **0474 501006**
Radio de Ploania: **93,00 Mhz**



VAL BADIA
www.unitepastorala.org

Sorví che?

📖 **Am 8, 4–7 | 1 Tim 2, 1–8 | Lc 16, 1–13**

Dal Vangelo do San Lúca:

Te chel tomp á Gejú dit a sü discepu: ¹N el rich á n aministradú. Cösc án incolpé dan da d'el, che al spaterlass ia so avei. ²Sön chera l'ál fat cherdé y ti á dit: Ci aldi pa porsora te? Dá cunt de töa aministrazion! Te ne pos nia resté ennant mio aministradú. ³Danló á l'aministradú ponsé sora: Mio patrún mo tolará l'aministrazion. Ci dessi pa spo fá? Por n laür posoch ne vali nia, da jí a petlé mo dodí. ⁴Empó – i sa ci ch'i messi fá, che la jont mo toli sö te söes ciases, canch'i sará desmetü desco aministradú. ⁵Al á cherdé adalerch i debitors dal patrún, önn endolater, y á damané le pröm. Tan ti este pa de debit a mio patrún? ⁶Al á rospognü: Cion barjí d'ere. Y al ti á dit: Tol to scrit de debit, sontete atira y scrí “cincanta”. ⁷Spo ál damané n ater: Tan este pa tö de debit? Chel á rospognü: Cion sac de formont. Y al ti á dit: Tol to scrit de debit, y scrí “otanta”. ⁸Y le Signur á laldé la furbizia dal aministradú dejonest y á dit: I fis de cösc monn é con chi de söa sort plü furbi co i mituns dla löm. ⁹I ves diji: Fajésse amisc con l'aiüt dla riqueza iniüsta, por ch'i gneise tuc sö tles abitaziuns eternes canch'ara jará con os a fin. [...] ¹³Degün stlâf ne pó sorví dui patrúns; o al ti ará le senn a önn y ti orará bun al ater, o al tignará da önn y desprijará l'ater. I ne podeis nia sorví entrami, Idio y le mámonn.

I ponsun do

Gejú nes spliga ienn söes ieranzas con ejempli esagerés. La parabola dal aministradú iniüst é en te ejempl. Gejú ne lalda nia l'aministradú deach'al n'é nia onest, mo al ô se fá conscidré söa sapionza. L'aministradú co á entres ma ponsé a se enstess, met man da scinché ia, deach'al á capí che ma ensciö pól salvé söa vita. Ince nos davagnarun la vita ma sce i la scincun ia.

I periu

Beldio, te to Fi t'aste scinché a nos. Deidesse avei en cör davert tal raport con i atri. Por Crist, nosc Signur.

Wilhelm Egger “Sonntagsbibel”

📖 **Letöres dla 26. domegna ia por l'ann:**
Am 6, 1a.4–7 | 1 Tim 6, 11–16 | Lc 16, 19–31

Edema liturgica dai 18.09. ai 25.09.2016

DOM 18.	25. domegna ia por l'ann FESTA DAI IUBILEI DA NOZA	<i>Lambert, Richardis</i>
08:30	gran messa de ringraziamont en onú de Santa Maria dal Bun Consei por i iubilars da noza y söes families ♪ Sabine y Angelica <i>oferta por i debojügn dla ploania</i>	
10:00	s.m. a Al Plan	
Lön 19.	<i>Januarius, Igor, Albert</i>	
07:30	s.m. a Al Plan	
Ded 20.	<i>Andreas Kim Taegon, Paul Chong Hasang y compagns</i>	
07:30	s.m. de ringraziamont de na familia s.m. por + Jan Ellecosta, Stifler	
Dem 21.	<i>fiesta de San Mateo apostul y evangelist, Debora, Jonas</i>	
▶ 19:30	zelebrazion dla Parora de Dio	
Jöb 22.	<i>Maurizius y compagns, Tomesc</i>	
19:30	s.m. por i nüc Ivan Ellecosta y Monika Brunner s.m. por +ti Leopold y Anna Erhard y Rosina Thöni	
Ven 23.	<i>Pio da Pietralcina (Padre Pio), Tecla</i>	
07:10	s.m. a Al Plan	
Sab 24.	<i>Sabeda de Santa Maria Rupert y Vigil, Gerhard</i>	
07:30	s.m. por fam. Hubert y Margot Ellecosta, Gogn	
13:30	s.m. da noza por i nüc Simon Ellecosta y Ester Ploner	
18:00	s.m. prefestia a Al Plan	
DOM 25.	26. domegna ia por l'ann	<i>Claus da Flüe, Gottfried, Sergio</i>
08:30	gran messa por döta la ploania <i>oferta por i debojügn dla ploania</i>	
10:00	s.m. a Al Plan	
<i>ampola:</i>	ad intenziun de na familia	
<i>ministronc:</i>	▶ da doman y domegna: Noemi Erlacher y Cecilia Ellecosta ▶ da sera y domegna: Paul Comploi y Roman Frontull	
<i>i recordun:</i>	Rosa Trebo Pedevilla, Cortina	+ 22.09.2012
	Ferdinand Kanetscheider, Schweiz	+ 24.09.2014

 **Fünfzig Jahre Höflichkeit**

Ein älteres Ehepaar feierte nach langen Ehejahren das Fest der Goldenen Hochzeit. Beim gemeinsamen Frühstück dachte die Frau: "Seit fünfzig Jahren habe ich immer auf meinen Mann Rücksicht genommen und ihm immer den knusprigen Oberteil des Brötchens gegeben. Heute will ich mir endlich diese Delikatesse gönnen." Sie strich auf den oberen Teil des Brötchens Butter und gab die untere Hälfte ihrem Mann.

Entgegen ihrer Erwartung war dieser hocheifrig, küsste ihre Hand und sagte: "Mein Schatz, du bereitest mir die größte Freude des Tages. Schon fünfzig Jahre lang habe ich die untere Hälfte eines Brötchens nicht mehr gegessen, obwohl ich sie am allerliebsten mag. Ich dachte mir immer; du solltest es haben, weil es dir so gut schmeckt."

Nossrat Peseschkian

 **Lites dal consei pastoral 23 d'otober 2016 – lëtra dal Vësko**

Stimá credënc y stimades credëntes!

Chël Bel Dî ti scinca ala Dlijia tröpes vocaziuns dër desvalies: na pert chërdel al sorvisc da prou, d'atri ala vita de convënt, d'atri tles misciuns y tröc d'atri a colauré te nosta sozieté sciöche testemoni y testemones dl amur de Dî por la jënt. A düc chisc ti däl i carismesc (les facultés, i talënc) ch'ai adora da realisé súa cherdada. La dërta vocaziun se desmostra te so carater generus y valënt che sorvësc, scinca y costruësc.

Les lites ai 23 d'otober é por me na gaujiun da rengrazié düc chi che se dá ca y stá ite da costruí y formé deboriada la Dlijia. Pro l'ester cristians alda la desponibilitè de vignun da dé so contribut y da tó pert ala costruiziun dla Dlijia.

I pilastris dla Dlijia é i batiá cun sü carismesc. La Dlijia é via sce vignun y vignöna vir súa vocaziun, sce vignun y vignöna se dá da fá cun sües facultés y sü talënc por formé la comunité dla ploania. I sun confidënt ch'al sará ince tl dagní porsones che portará pro al bëgn dla comunité.

Ince sc'i se cruziun coch'ara jará inant cun la Dlijia, podunse ciaré confidënc tl dagní, deach'i podun confidé che Chël Bel Dî ti dá ince a nüsc tèmps vocaziuns y carismesc.

I oress incorajé düc i batiá, da se detlaré desponibli y arjigná da colauré tla ploania tla maniera ch'ai sciafia y da se mëte dantadöt a desposiziun por les lites dl consëi de cöra.

I consëis de cöra é tl dagní ciamó plü importanc co cina sëgn. Porchël á la Sinoda Diozejana dé directives por ti dé na maiú importanza ai consëis de cöra. Stimá credënc y stimades credëntes, daurisse ales ghiranzes de nüsc tèmps y ala responsabilitè. Cun osta desponibilitè da candidé por le consëi de cöra sciafiëise da ti dé vita a osta comunité ploanala.

Osc Vësko + Ivo Muser

www.unitepastorala.org

Envit dal consei pastoral: al ven dassenn chirí porsones co se met a disposiziun por les lites dal consei de ploania nò. An é periés da le lascé alessei a n member dal consei da sen.